

D E R E V O L V T I O N I B V S

Cum talis constellatio, scilicet luminaria fuerint infortunata. Dic ex Solis infortunio patrem nati damnari apud regem.

Si fuerint Luminaria in septima uel quarta in reuolutione, aut pater aut mater nati morietur, maxime si ea loca in radice infortunata fuerint. Da Solem patri, Lunam matri.

Pars patris infortunata in reuolutione, patris mortem significat.

Sol uel Saturnus in quarta domo reuolutionis, si sit etiam dominus anni, uerificantur & patefient res quas significauit in radice de causis parentum in bono uel malo, fortuna uel infortuna.

Sol uel Saturnus, quando in reuolutione peruererint ad signum & domum natalis, & planeta ipsis applicans, sit eius anni dominus, uenient patri res quas in natali significauerant.

Saturnus retrogradus in quarta domo reuolutionis, circa res hæreditarias anxiū facit, uel parentum aliquis non rectè habebit. Idem significat dominus decima in octaua.

Boni in quarta contribuent incrementa stabiliū, Pars fortunæ ibidem idem faciet.

Si quando filius alicui nascitur, & Sol sit dominus quartæ domus, & Saturnus & pars patris fortes in bonis locis, & fortunati, uel ipsorum maior pars, eo anno pater nati prosperabitur, ac etiā donec alter nascetur ei filius. Similiter dic de matre, & fratribus sumendo iudicij rationem ab ipsorum significatoribus.

Si fuerint Luminaria infortunata in reuolutione, & si pars patris non fuerit in bono loco, & eius dominus in aspectu Iouis, uel Veneris, dic ex Sole infortunato patrem talis nati à suo rege passurum. Et Luna infortunata, significat matri, & nato anni & corporis ægritudinem. & hoc si reuolutio sit diurna, & Mars Solem aspexit. Seu si in nocturna genesi Saturnus Lunam uiderit, uel cum ea sit hora natalis.

V.



Vinta domus significat filios, & iocunditates &c. Pro illis uide cuspides quintæ, & dominos earum in utraq; figura. Item gradum diuisionis quantæ domus radicis, & eius diuisorem in ambabus figuris. Quibus adiunge significationes domini anni Alfridariarum &c, ut supra.

Aphorismi.

Si Iupiter ad partem filiorum peruererit, uel eam aspexerit, dabit filium.

Si ascendens reuolutionis deuoluatur ad signum Iouis radicis, aut Veneris si Iupiter, aut Venus appropinquauerint signo ascendentis, natus habebit filium. Sol in reuolutione, in angulo radicis, uel pars filiorum si appropinquauerit ei, significat filium.

Gradus inter Iouem, & dominum ascendentis, sunt tempus filiorum, dando cuilibet gradui annum unum.

Sol quando intrauerit aliquid angulorum, aut appropinquauerit parti filiorum notat tempora filiorum.

Luna in quinta, solem pulchram donat, & in legationibus salutem, & iuuenibus lætam sortem.

Si fuerit Iupiter per directionem delatus ad Martem, uel ad eius malos aspectus, perdet natus filium, uel si fuerit Iouis ad Martem malus aspectus.

Applica-